

---

**Риштон тумани ҳокими Суфхонжон Солиевнинг 8 март – Халқаро хотин-қизлар куни муносабати билан байрам ТАБРИГИ**  
**Хурматли туманимизнинг мунис ва муҳттарама онахонлари!**  
**Қадрли опа-сингиллар, доно қизларим!**

Гўзал табиатимизга барчамиз орзиқиб кутган баҳор нафаси кириб келган ушбу ёруғ кунларда, айни шу шукуҳли айёмда сизларни, сизларнинг тимсолингизда бутун Ўзбекистон хотин-қизларини 8 март Хақаро хотин-қизлар байрами билан самимий муборакбод этиш менга катта қувонч бағишилайди.

Асрлар давомида халқимиз томонидан оналарни, аёл-қизларни эъзозлаш эзгу қадриятлардан бири сифатида алоҳида қадрланади. Чунки, меҳр-оқибат ва одамийликнинг илк сабоқлари ҳар биримизнинг юрагимизга она алласи билан кириб, ҳаёт сўқмоғи ва турмуш дарси, оила тотувлиги меҳрибон оналаримиз тарбиясидан, опа-сингилларимиз муҳаббатидан бошланади. Сизларни ҳамиша фидойилик, вафдорлик, садоқат, гўзаллик тимсоли сифатида улуғлаш билан бирга ўзларингизга хос бўлган бой маънавий дунёнгиз, ақлу-фаросатингиз, донолигингиз билан ижтимоий-сиёсий турмушимизда алоҳида ўрин эгаллаб келаётганингизни алоҳида таъкидламоқчиман.

Бугунги кунда хотин-қизлар ўзининг билим ва тажрибаси, профессионал малакаси ва маҳорати ҳисобидан кўпгина жабҳаларда етакчи мавқеларни эгаллаб келмоқда. Ҳаётимизда тобора катта ўрин олаётган фермерлик ҳаракати, кичик бизнес ва хусусий тадбиркорлик, юқори технологияларга асосланган замонавий тармоқлар, илму фан, тиббиёт, таълим-тарбия, маданият ва санъат каби ўнлаб муҳим соҳа ва тармоқлар ривожини аёлларнинг иштирокисиз тасаввур этиб бўлмайди. Бизнинг қўл-қаноатимиз бўлган Сиз аёлларимизнинг ижтимоий турмушдаги ўрнингизни янада мустаҳкамлаш, ҳуқуқ ва қонуний манфаатларингизни ҳимоя қилиш, ҳар томонлама қулай шароитлар яратиб бериш, маънавий ва моддий қўллаб-куватлаш ҳар биримизнинг асосий вазифамиз бўлиб қолаверади.

**Мунис оналар, қадрли опа-сингиллар!**

Турмушимизни янада соғлом ва обод қилишда, олдимизга қўйган мақсад ва ниятларимизни улдалашда, юртимиз буюк келажаги йўлидаги хайрли ишларда, барча ташабbusларда Сизнинг куч-ғайратингизга, билим ва тажрибангизга, фидойилигингизга таянамиз.

**Хурматли аёллар!**

Сизларни 8 март хотин-қизлар байрами билан яна бир бор ўз номимдан қолаверса, тумандошларимиз номидан қутлаб, барчангизга мустаҳкам соғлиқ, оилавий баҳт, ҳамжиҳатлик, хонадонларингизга файзу барака тилайман. Фарзандларингиз ва яқинларингиз баҳтига, элу юртимиз баҳтига ҳамиша омон бўлинг!

2023-03-08 06:02:11